

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 998. Qualiter præsumantur adhibitæ solnnitates causæ sufficiens,  
consensus seu authoritas potentis concedere lecentiam ædificandi novas  
Ecclesias.

---

[urn:nbn:de:hbz:466:1-73957](#)

4. Resp. denique, causa, citra quam Episcopus novi monasterii ædificandi potestatem facere nequit, debet esse gravis, qualis esse potest moralis necessitas populi, aut magna ejus utilitas ex frequentatione Sacramentorum alisque mediis spiritualibus ex nova illa religiosorum inductione certò oritura; si enim tantum intendatur novorum religiosorum multiplicatio aut major commoditas, populo aliis religiosis aut sufficientibus pastoribus jam proviso, illico sine ulteriore aliorum citatione, negandus est petentibus dictus consensus seu licentia Reiffenst. n. 50. Quod si vero citra causam vel etiam non servatis servandis concedatur dicta licentia ædificandi monasteria, domus, residentias aliaque loca religiosa, pœna vel quasi pœna concedentium & ædificantium & recipientium ea est, quod omnis ædificatio dictorum locorum sit nulla cum omnibus conductentibus ad illam, nullumque jus tribuat recipientibus aut extrenibus illa ibi habitandi & manendi ob decretum irritans contentum in cit. Bulla Gregor. XI. & Clem. VIII. quæ et si quoad hanc irritationem exprefserit sola attentata post appellationem à sententia Episcopi, extenditur tamen quoque dicta attentatio ad facta ante appellationem vel nulla facta appellatione, ut cum Paslerin. l. c. n. 71. Reiffenst. n. 56. prout patere ait ex cit. Bulla Urbani VIII. absolute & indistincte declarantis irritum & inane quidquid contra formam prædictarum constitutionum quovis prætextu vel causa fieri contigerit. Et quidem contra eas agentes Ordinarios locorum posse eosdem expellere & abigere statuit Urban.

VIII. nisi forte religiosi monasterium locumve aliquum religiosum à se ædificatum vel receptum tandem posfederint, ut præscriptioni sit locus. Reiffenst. n. 58. ubi etiam testatur à Sixto V. (cujus desuper Bullam per extensum legere licet apud Donatum Tom. I. tr. I. q. 12. concessum Fratribus minoribus regularis observantie, ut possint loca quæcumque & qualitercumque recepta & acquisita liceat & valide retinere, si illa ultra decem annos posfederint; quin &, si infra decem annos (adeoque etiam per unum alternum annum, ut Reiffenst.) posfederint quietè, ut amplius desuper molestari nequeant; modò tamen in hoc posteriore casu illa acquisiverint eum licentia Ordinarii. De cetero Episcopo citra causam vel contra præscriptam formam in dictis constitutionibus præterquam quod peccet mortaliter, utpote in materia violans constitutiones Pontificias graviter obligantes & nulliter agat, nulla alia pœna jure constituta reperitur.

*Quæst. 998. Qualiter presumantur adhibitæ solennitates, causa sufficiens, consensus seu authoritas potentis concedere licentiam ædificandi novas Ecclesiæ.*

R Esp. videri potest q. 156. p. 1. *mei fori benef.* et si enim ibi agatur in specie de novarum Ecclesiæ ædificatione, in qua contingat dismembratio antiquæ, applicari tamen etiam ædificationi, in qua ea dismembratio non contingit; quin & ædificationi novorum monasteriorum.

## CAPUT II.

### *De reparacione Ecclesiarum, earumque conversione in alias aut etiam in usus profanos.*

*Quæst. 999. A quibus & quorum sumptibus reparanda Ecclesia?*

I. R Esp. primò: in reparacione Ecclesiæ vetustate aliove casu collapsæ, aut aliunde ruinosæ & deformatae quoad reparacionem illius, à quo & cuius sumptibus ea facienda, ante omnia attendenda consuetudo loci, ut cum communī Abb. in c. I. b. t. n. 3. Barb. in c. I. & 4. b. t. Pirk. b. t. n. 14. aut etiam statuta aut speciales conventiones, quæ ubi sunt, reparatio facienda est de ipsis Ecclesiæ redditibus ab eo, qui curam horum habent. Et primo quidem de portione redditum ad fabricam Ecclesiæ dapata Barb. de off. & potest. Episc. alleg. 64. n. 1. Lambertin. de jurep. L. 3. q. 7. a. 2. n. 2. & 7. Wiesn. b. t. n. 42. juxta Can. decernimus 10. q. 1. & Can. unic. ibid. q. 3. Et, si fabrica speciales redditus non habet, de aliis ejus redditibus, etiam qui congrua rectoris, ubi Ecclesia parochialis est, aliorumve beneficiatorum in aliis Ecclesiæ non curatis, sustentationi consuetuque cultui divino in iis peragendo superfunt. Lambert. l. c. Ricc. in pr. cur. Neapol. p. 14. decis. 293. Barb. in c. de his. b. t. n. 3. Comitol. L. 1. respons. q. 82. n. 2. quos citat & sequitur Wiesn. n. 43. item Pirk. l. c. juxta quod statuitur c. I. &

c. 4. b. t. innovante horum textuum dispositionem Tridentino sess. 21. o. 7. de reform. dum monet, Episcopos, ut Ecclesiæ parochiales collapsas refici & restaurari curent ex fructibus & proventibus quibuscumque ad easdem quomodounque pertinentibus, quales etiam sunt quos Rector characterique beneficiari intuitu earum percipiunt; quin etiam teneri Rectorem contribuere ad reparacionem Ecclesiæ ex iis bonis & redditibus quæ ad decentem sustentationem status alias requiruntur, è quod necessitas Ecclesiæ præferenda sit statui parochi & alterius beneficiari, assertit Pirk. l. c. citato Barb. in cit. c. de his. n. 3. non tam coguntur concurrere ad reparacionem de patrimonialibus suis, et si hæc sustentationi sue sint superflua, ut cum Bellet. disquisit. clerical. p. 1. de clericis debit. s. 14. n. 11. Reiffenst. n. 14.

2. Resp. Secundò. quod si Ecclesia in communione nullus habeat, beneficiari quoque non nisi ad congruam sustentationem sui necessarios, es si quædam superflua habeant, hec tamen ad reparacionem insufficientia sunt, teneri patronos ex fundatione, constructione, donatione tales ad reparacionem, saltem concursive; è quod non tantum incumbat eis Ecclesia à se fundatae cura exigens ejus conservationem & reparacionem: Verum etiam qui percipiunt aliquos illius